

張右史文集

開化圖書館

Kaifuwa library

開化圖書館

Kaithua library

開化圖書館

Kaichua library

開化圖書館

Kaichua library

張右史文集卷第三十二

七言絕句

屈原

楚國茫茫盡醉人，獨醒惟有一靈均。  
舖糟更遣從流俗，漁父由來亦不仁。

觀音泉

巖松偃蓋不知年，寂寂秋燈寶供前。  
清徹一源傳萬古，空山長伴白衣仙。

宿慈氏院

樓上鳴鐘報五更  
朦朧深殿佛燈明  
更無幽夢隨寒枕  
聽徹風松到曉聲

巫臣二首

萬古風情不易禁  
多言未似不言深  
楚王只聽巫臣諫  
不道逃吳已有心  
咫尺山河不易知  
無言莫謂即無思  
人間只見枝頭繭  
不悟春蚕暗理絲

北風

北風卷地寒侵骨  
凍雪連山鳥不飛  
試問朱

門餘酒肉幾人迴首念無衣

洛岸春行二首

溪上映人楊柳黃滿溪流水碧決了憑君莫

向溪南望春草春風能斷腸

南山晴翠入波光一派溪聲繞郭長最愛早  
春沙岸暖袞風輕浪拍鴛鴦

漫成七首

應敵詩才慙古人牽情春色空闕身鋪排物  
色雖甘拙消散閒愁亦有神

修竹娟娟：一萬竿清渠引水正潺湲：知時燕子來相語任意鳧雛去不還  
高槐無花亦有陰參天老枝逾十尋流鶯不  
使人窺見故隔深條送好音

風吹桃花西復東雨打海棠零亂紅可是春  
光即消歇牡丹音信未全通

江南梅花凌雪霜桃李開盡春無光誰知洛  
陽三月暮千金一朵賣姚黃

溪水春來清蕩沙溪南溪北是人家依、陌



上多情柳簇，原頭自在花

庭陰當午起，猶慵斷送殘春醉。夢中桑柘成  
陰桃李盡，一川零亂柳花風。

和應之出城

路穿槐柳遠山斜，長夏村墟對物華。青玉一  
尋披籜竹，絳繒千片剪榴花。

永寧赴鼎應之見招賞花途中遇雨  
行雲濃淡日無輝，輕雨飄飄點客衣。馬上漫  
郎醒復醉，一盃客易送春歸。

依韻和晁十七落花二首

投老殷勤向物華  
風前猶欲拾餘花  
更將夢逐殘紅去  
遍入長安百萬家  
飛隨風雨落隨流  
更有餘紅亦已休  
香在天涯春物盡  
可憐鶯蝶不知愁

和端午

競渡深悲千載冤  
忠魂一去詎能還  
國亡身殞今何有  
只有離騷在世間

偶成

須知庖手有真如合遣輪人笑讀書擁褐蒲  
團深閉目老人于此有工夫

雙廟

成敗功名付偶然男兒要是死生間故應城  
破知肝膽飛矢何勞記賀蘭

株林

九寡奔亡一老姬白頭蠻叟嬖西施二公費  
盡平生事深屋婢媼世得知

淮上阻風步入寶積山訪軫長老

少年飄泊歸淮東  
道人住庵何處峰  
知有招提烟水外  
雪雲山路倒杉松

淮上觀冰下

寒淮千里群冰下  
古岫枯槎黃蒿枝  
憶得天津橋下見  
五門春動雪消時

春陰

驚鴻瞥過不容攀  
病眼淮邊楚望寒  
獨卧孤舟對楊柳  
春風終日在檣竿

清明日舟中書事二首

清明不到旅人家  
乞火鄰船自試茶  
弄柳好風低作舞  
夾船春浪細浮花  
巢鳥噪處綠楊村  
寒食人家盡掩門  
麥隴曉風收  
宿潤烟林午日漲  
春昏

宮人斜

青蛾皓齒作埃塵  
玉匣珠衾地下身  
一曲壞牆門不鎖  
林花開落墓前春

奉先寺

定知生不出長門  
木黍蕭蕭寺後村  
松栢城

南萬丘塚傷心最說內人園

至後早赴館二首

紅蠟粘梅冷未粘柳條偷暖作織，高樓殘  
白誰家雪盡日天寒不捲簾  
城圍殘雪寒催曉宮近晴雲暖欲春誰覺風  
光添一線玉壺漏水報雞人

晁二家有海棠去歲花開晁二呼杜  
卿家小娃歌舞花下痛飲今春花開  
復欲招客而杜已出守戲以詩調之

頗疑蝴蝶過鄰家知是東牆去歲花駿馬無  
因迎小妾鴟夷何用強隨車

復答迎郭侯犢車之句

玉壺春酒射朝霞只看纖腰不看花但遣舟  
迎桃葉女仍須息賜短轅車

對菊花二首

官閭身世兩悠悠種竹栽花一散愁黃菊叢  
邊對踈雨一年懷抱此時秋

躬耕遇歲真吾事牛下齋兒婦妾歌招飲風

本如卷三  
六  
烟過湖日遠  
離我菊可如何

題海州懷仁令藏春亭

聞道山中賢  
長官種花不肯放  
春還故知車  
馬紅塵地  
催促東風不得閑

題綠野亭

渺渺孤亭滄海東  
天連平野四無窮  
可須戶牖毫端上  
自攬山河眼界中

漫成三首

驅除牢愁須酒聖  
狼藉春色要花紅  
定知春



來無一事苦教有情愁得儂

容易得愁即不去若教春物喚愁生遣愁飲  
酒大拙計遣誰蹙眉為慢殺

閉門春風作往還誰家有花堪醉眠柳腰榆  
英爭入眼江梅一枝遠如天

題榮子雍陋居二首

草舍隆中一幅巾閉門三致漢將軍紛々自  
獻知何有終遣斯人了鼎分

一室荒蕪孺子貧知君四海入經綸殺身虎

口終何補洒掃庭除自可人

秋日有作寓直散騎舍

黃省文書分道山靜傳鐘鼓建章閣天邊玉  
樹西風起知有清秋到世間

曉雨

綠滿園林紅已稀濕烟和柳共霏微誰家油  
壁春寒裏獨輾天街曉雨歸

送周六赴濠州戶曹二首

老顛有婦何妨道一室蕭然尚愧君但恐小

喬來丈室却須射虎作將軍

從來悟道不由書觀面相呈已有餘塵尾花  
飛終不近濠梁古兔解椰榆

趙弟

男兒何用立奇勳趙弟從軍初不聞但斬郁  
城侯萬戶不須猿臂老將軍

贊皇公

才高一世有奇功掩卷令人獨想風莫笑狄  
祠遷武相致人從古是英雄

夜來

夜來風雨掠餘春  
晏起蕭條一病身  
三月長安泥浩  
懶隨車馬作游人

桓武公

北征談笑縛姚公  
靜掃諸陵見洛嵩  
不用登高笑夷甫  
正緣此輩使君雄

和天啟惠橘詩

十年不摘洞庭霜  
喜見新苞照眼黃  
但對典刑休嗜味  
以天啟辭虎賁猶得作中郎

題画二首

敗蘆浸水凍灘沙朔雪隨風亂綴花濕翅老  
鴻鳴未起暮雲山色暗天涯  
蒼々老石守寒叢雪洒林鳩美睡中鶉傍陳  
根飢更啄雀栖高枿暝愁風

題庭木

枯條怪石坐寒禽玉軸高懸画萬金歲晚荒  
畦真在眼寂寥方見此時心

有所歎

駢脅當車闌戟先相君冠蓋照秦川六雄未  
滅君無苦當念杜門公子虔

五更

歲事先教蟋蟀催暮雲樓闕隱輕雷五更庭  
葉驚殘夢知有清秋犯雨來

下直

留住長安鬢已絲宮廊還見落槐飛暮雲疎  
雨蒼龍闕不惜障泥策馬歸

題史院直舍魚鷺屏

鐘鼓聲稀下直遲  
秋暉初轉萬年枝  
寒廳盡日誰相對  
慙愧屏風画鷺鷥

梅柳二首

便使柳肥終解舞  
莫驚梅瘦為含酸  
因風自裊還成態  
與雪爭妍却要寒

天質自清非為瘦  
仙姿正白不施紅  
未開如怨開如笑  
枉乞幽香與北風

探春

啾々凍草群飛雀  
裊々高林獨嘯猿  
忽憶淮

南春意動早梅池  
館斷鴻天

雙槐

老去相看終慘澹  
秋來無賴對婆娑  
任從葉逐西風去  
要聽庭寬夜雨多

晏起

晚起翻書日欲西  
偶然乘興忘遨嬉  
好書自癖非求利  
掘冢才須數句詩

和人二首

臘殘春近獨消魂  
殘雪長安千萬門  
青鳥何



曾寄音信碧雲別解報黃昏  
曛暈曉日漏春光欄下萱叢尚卧霜認得君  
家門上雪易知何事却難忘

天憲

鑿屋分將一尺明坐令隔幌見簾屏任從世  
界傾盆而只要蕭蕭數點聲

失性

失性摧顏君子鶴忘羞跳擲沐猴冠須知六  
合梟鸞雜供與閒人靜處看

夢至一園池藕花盛開水鳥飛鳴為

作二小詩記之

偶來乘興不須疑一項秋香欲發時老子婆  
娑真為爾百回相見愧鸕鷀

平池秋水雨來深無數紅粒出岫陰翠幕深  
藏知有意白鷗相見本無心

讀王荆公詩

名實由來不可逃悠悠毀譽亦徒勞臧公已  
死言終立不是軒裳世祿高

雨霽

豐隆故犯青冥上  
列缺應遙返照迴  
樓外細蟾呈窈窕  
枝間少女故徘徊

蹇驢

驥伏鹽車飢不行  
疲牛與甬飽平生  
子荆自是佳公子  
亦向人前作汝毅

局中晚坐

高林晚葉漸踈明  
雨過長安萬屋青  
為問西風來幾日  
夕陽宮殿亦秋聲

贈鐵牌道者

微官待旦亦朝天  
賴爾絕勝鐘鼓傳  
舉世昏冥竟難警  
憐君常負五更眠

無題二首

風槐已踈遽如許  
夜蛩雖然可若何  
出門蹄道苔痕滿  
隱几書塵鼠跡多

晚起清秋一枕涼  
四簷鳴雨下淋浪  
竹籠燒藥時添火  
書榻焚香却閉房

張右史文集卷第三十二

張右史文集卷第三十三

七言絕句

吳江道中懷陸魯望

我亦扁舟一散人  
江湖為洗十年塵  
筆床茶竈經過地  
風月相望亦有神

雲溪道至四安鎮

茗溪清秋水底天  
夜帆燈火客高眠  
江東可但鱸魚美  
一看溪山直萬錢

喜雪走筆呈李宣城三首

東坡志林卷三十一  
一  
殷勤寄語宣城宰公事何時是了時病守欣  
然有嘉思亦須對雪把空卮

聒、庭中笋曲直紛、筆下判鞭笞坐曹決  
事輸歸飲須信薛宣稱吏師

萬夫餓腹待倉儲三戶窮民守破圩疲瘵不  
禁鞭撻甚長官對酒且歡娛

游園

病來久不上層臺窻有蛛絲迳有苔為報園  
花莫惆悵故教太守及春來

聞蛩二首

晚風庭竹已秋聲  
初聽空階蛩夜鳴  
流落天涯聊自得  
今宵為爾感平生  
二年江海轉萍踪  
白髮蒼顏換舊容  
新月窺簷風動竹  
宣城今夜又聞蛩

雨中題壁

去年此日泊瓜洲  
衰柳蕭蕭繫客舟  
白髮天涯流落處  
今年對雨古宣州

鷓鴣

敗荷枯蒂一方池  
溪上鷓鴣坐得知  
何事月寒風露下  
孿拳孤影在風枝

秋蚊

江城落木已窮秋  
病客初寒欲齧裘  
暗室飛蚊猶撲面  
不知天上火西流

冬日

忽、新冬無一句  
自憐憔悴楚江濱  
滿前魑魅何曾禦  
尚愧無功作逐臣

預作冬至



紫壇曾從奠琳琅親被天人玉冕光今日黃

州山下寺五更聞雁滿林霜

未元祐七年南郊曾與捧

皇帝禮席左見上冕玉簪白如雪為燭所照出光數尺云

### 九日登高

黃梨丹柿已催寒一月西風積雨乾紺滑秋

天稱行草却憑秋雁作揮翰

### 試墨

金案冰窓淨絕塵硯寒龍尾殼生文澄江清

淺汀洲靜忽有蒼螭下吐雲

綵花

清寒帶雪未成春  
可得芳菲未向人  
須遣艷陽歸  
掌握故教桃李及芳辰

送窮

年年瀝酒拜清晨  
風俗新正競逐貧  
不用為文送窮鬼  
直須圖事祝錢神

寄陳州朱教授三首

殷勤寄語朱夫子  
僧舍花前亦舉觴  
學舍蕭條官職冷  
不知誰與戴姚黃

欲曉山禽百種鳴最憐啞啞是雛鶯遙想西  
湖烟柳色深春風露水邊聲

春雨江干不肯晴大江標岸轉雷霆山頭方  
丈渾無事掃地焚香看佛經

送春

二年江上見春歸

子年春在金陵江上

預想重來我未

迴淹速世間誰料得祇應相遇且銜杯

寓寺八首

門外清泉浸稻畦西南修竹作城埤川平林

斷空明處却有遙山作翠眉

道人鐘梵久寂寞倦客弭車聊靜便我亦雲

山閒衲子平生香火舊因緣

病卧淮陽太昊城牡丹叢畔過清明那知春

暮長江上竹裏招提聽曉鶯

江城梅子青時節嫩紫天紅掃地無修竹滿

山連草色却煩林鳥勸投壺

翠眉長好何曾損寄語啼禽漫不閒應為殘

春足愁恨長疑蹙破鏡中山

有鳥顰如

平曉春雲失半山濛濛，  
小雨暗江干。寺樓倚  
遍消殘醉，只有春愁伴薄寒。

錯落星河沒半空，江城悲角五更風。幽人夢  
斷西窗雨，背壁籠燈到曉紅。

籠燈到曉只微明，獨擁單衾聽雨聲。葛幌竹  
床清過暑，蕭然未覺負平生。

黃葵

黃葵貴麗不妖嬈，一朵新晴檻外高。還似通  
英臨便坐，曛暉朝日照天袍。

聽鳴禽

流滯江邊鬢已霜  
又聞春鳥啁朝陽  
他時北去懷陳迹  
寒竹疎梅黃土崗

曉雨

輕陰江上千峯秀  
小雨墻邊百草生  
惟有春禽慰孤客  
曉啼渾似故園聲

黃州酒務稅窟房  
北窻新種竹戲題  
于壁

異時小杜高眠地  
幾向秋風聽楚江  
身世浮

雲那可計試留雙竹守寒窓

梅花

我愛梅花不忍摘清香却解逐人來風露肌  
膚隨處好不知人世有塵埃

分冬

莫驚人事浮雲變且作吾儕飽飯行白首分  
冬聊自勸江城今夜一陽生

食齋糝

論斤上國何曾飽

高力士至黔中見齋云兩  
京論斤買五溪無人採

旅食江城日至前常慕蔡美最清好故應不

糝愧吾原

原憲蔡美不糝

戊寅正月八日早寒

濃淡春雲夜雨乾寂寥之庭院袂衣寒無人為  
發樽前笑但把梅花似舊者

正月七日雪晴

西窗融雪飄如雨故與新春作薄寒昨夜雁  
聲彈向北夢魂隨去過關山

光蔡之間  
路名關山

春蔬



新春書劍滯江城又見南蔬入旅羹關心太  
昊祠前路小甲連畦帶雪青余有蔬園在陳州太昊祠南

讀秦紀二首

烹滅群雄力未疲赭山射海奮餘威誰知傳  
與癡兒子祇得阿房似舊時

汲：威刑繼祖龍收功終在望夷宮未應家  
國歸車府却有山東老沛公

偶成

許君踏月夜相過此語當時恨已多但願相

送休然老不妨白髮聽新歌

春日懷淮陽六首

西城門外古壕清  
太昊祠前春草生  
早晚粗酬身計了  
長為閑客此間行

靈通禪刹古叢林  
永日惟聞鐘梵音  
閱世興

亾千室佛百年風  
雨古牆金靈通院石晉末所創有千佛殿

壁繪用金

最愛南城汲井園  
春來蔬甲不勝繁  
人家斷

處無雞犬遲日東風似古原

黃巢寨南琵琶溝古原芳草靜春流大編舸  
娥何處客檣竿西北是神州

莽：郊原帶古丘漸々隴麥散羊牛杏花楊

柳春濃處一片青帘慰客愁

城中萬枝木芍藥姚黃一萼得春多日々踏

春渾坐此人間無醉奈渠何

上元三絕

清晨謁帝大明宮拜賜歸來夜過中余在秘

年每歲上元晨趨大慶迎駕近午駕回駐輦  
大慶門上賜茶酒拜謝退率一二同舍擇勝

縱觀至夜分必  
醉歸歲率為常  
一夢十年身老矣  
山城風月  
作過從

酤酒壚邊人若市  
美高亭下浪連天  
張君官  
况今如此豈有工夫作醉眠

江邊燈火似秋螢  
哀怨山歌不可聽  
自怪今  
春牢落甚禪房  
止酒讀黃庭

二絕句

風雪無事雨初晴  
山澤有容春向深  
何物東  
風吹不散  
祇應多病謫官心

郊簷斜日曉雞號水滿陂塘薺麥高回首故  
園空悵望東門歸路綠迢迢

正月二十五日以小疾在告作三絕

是日苦寒

黃土崗頭薺麥長春陰蔽日午風狂山前梅  
落無人見只有幽禽啼暗香

春色三分有尚多且饒芳草占高坡門前柳  
色如彭澤爭奈陶君止酒何

余方以  
病止酒

見說櫻桃已爛開坐愁風雨苦相催自憐華

髮傷春客雨見飛花未放回

所居有梅一株在堂東荒穢中正月  
二十六日已謝矣二首

平生常恨逢梅少及對江梅無好詩  
寂寞荒山少風味直須雲鬢插斜枝

冷落疎枝寒草岡欲攀先怕踏榛荒  
異時折處何堪說臨水高城倚女牆

堂前種二桃詩示鉅結

平昔殷勤向物華誰知憔悴客天涯  
雙桃栽

罷還惆悵憶得淮陽舊種花

春日書事

蟲飛絲墮兩悠颺人意遲  
日共長春草滿庭門寂  
數樞窻日挂空堂

十月十日夕同文安君對月

林外霜風作夜殺入簷寒月似多情  
燈前爐畔深杯暖更聽  
昭君出塞行

蘄水道中二首

蚤老麥枯田舍忙誰令四月雨  
浪未容烏

鳥私遺粒鳴蚓跳蛙欲滿塲  
綠野新晴風日涼肩輿細路轉重崗橋邊野  
水侵官道旋喚漁舟渡夕陽

感遲莎

桃蹊李徑有塵埃初放青莎秀滿塲想見竿  
綿古城角有人嗟我未歸來

宿潘君草堂聞蛙鼓二首

跳踉鼓怒任爭雄何事嗚呼聒睡翁不用洒  
灰頰魯老正須兩股付吳儂



孤村足雨菰蒲合只有群蛙噪滿陂我亦閒  
來無鼓吹不煩通夕短長吹

夢靈壽寺

客居有似鴻遵渚鴻渚相看豈有情何事春  
來頻見夢老僧談笑起相迎

聞鴨鵝

紙窓未白燭微明鴨鵝枝頭一兩聲却憶去  
年桃李後淮陽旅舍聽殘更

甯子

石塘卷三十三  
二  
甯子陽愚飽諳事實生慟哭漫多愁無言天  
道何須問畢竟人間春復秋

摘芙蓉

今年古寺摘芙蓉憔悴真成澤畔翁聊把一  
枝閒照酒明年何處對霜紅

呈宜君

江城風雨作朝昏愁殺壚邊賣酒人祇有醉  
時差可喜不應醒坐作新春

齊安春謠五絕

江上魚肥春水生江頭花落草青青  
萎蒿芽長蘆笋大問君底事愛南京

莫笑江城大如手桃花如燒酒如油  
人生無病即為樂莫誦離騷潭畔愁

楊柳弄春藏不得雪絮點點吹人來  
輕清潔白非塵物寄語桃李莫相猜

赤壁磯前江急流周郎功業莽悠悠  
惆悵沙邊雨中樹無言供作古今愁

江頭春泥妨踏春閉門守春  
看人問春看

人作何味半酣美酒聽韶鈞

生日贈潘郎

春雨蕭蕭江上城論花與子酒同傾恨君未到淮陽市一見姚黃慰此生

張右史文集卷第三十三

張右史文集卷第三十四

七言絕句

初夏謁告家居值風雨偶作二絕

春愁已逐鶯花盡  
野果垂簷綠葉稠  
天上幾回飛破鏡  
端居未折大刀頭

高堂終日雨潺潺  
却著重裘尚薄寒  
風雨似秋君莫怪  
客愁天色兩相闌

西憲雜咏三首

翠蔓垂簷筍過籬  
幽禽終日傍窻啼  
山林勝

處平生事他日何妨動我思

穿籬兩竹是龍孫風葉蕭蕭便有聞却到葛  
陂心未已更將甘雨澆川原

稻畦新揀綠雲齊雨過溝塍水接溪到舍妻  
兒勞動苦白醪缸畔醉如泥

別齊安稅務憲竹二絕

何獨王郎與爾歡二年慙愧碧琅玕葛陂一  
別知何處見盡人間行路難

隨流泛梗雖無定別渚棲鴻亦有情為問竹

寘清夜月從今誰解聽秋聲

四月二十三日晝睡起

幽人睡足芭蕉雨獨岸綸巾几案涼誰和薰  
風來殿閣不知陋巷有羲皇

渡江

白髮人驚老阿童橫江聊借半帆風却嗟縛  
得窮孫皓未似高歌醉閉篷

吳王郊臺

異時隨舉孝廉郎旂蓋相承據一方腸繞闔

門祥已定將君必竟吳王

題寒溪長老方丈

端坐繩床百事貧  
荒溪古屋四無隣  
為生場足君無笑  
渠是人間得計人

早起二首

滄江初夜雨翻盆  
將曉風殺戰亂雲  
離下寒雞鳴曉苦  
老人先起自開門  
風鳴稿葉未辭枝  
雨濕疎梅欲弄姿  
地下一陽應蹠躐  
世間渾未有人知



冬至贈潘郎二首

荻籬茅屋柯山下賣餅歸來也  
做冬不見長安競時節車如流水馬如龍

五更人語起江城歌笑喧  
天欲明酌酒壽君但一醉百年珍重是人情

發孝感

象、檣烏轉晚空娟、  
窻月入窻櫳岸頭楊柳如憐客猶舞蕭、  
五兩風

柯山雜詩四首

幽人睡足帶綸巾  
策杖開門郊酒醺  
黃葉滿山烏鵲噪  
江城秋日少行人

蕭々茅屋土山前  
翁媪闔門去穫田  
朝日滿簷雞犬靜  
荻籬深處有炊烟

斷澗橫橋卧古槎  
晚雞鳴處有人家  
山頭月出疎鐘斷  
江上風高落雁斜

九月江城霜氣清  
旅人寒事略經營  
隔窻便是山前樹  
永夜葉聲如雨聲

絕句九首

天高列岫出林外霜落大江流地中晚日橋  
邊數歸牧牛羊部分聽兒童

樹頭三唱雞賓日門外斜行雁寄書十月江  
城霜霰薄滿山林葉亂藍朱

曉起山鴉噪作團西園霜木倚空寒風高斷  
雁呼前伴雨止歸雲赴舊山

千林黃葉捲飛霜寂歷踈梅未肯粧誰信輪  
囷卧山木心知九地有微陽

空山風雨冷蓬萊晨起幽人理緼袍深閉衡

門且無出濕雲如墨怒江號

老去不禁茶力悍兩甌破盡五更眠月團三

百真魔物欲乞當鑪當酒錢

讀書老眼苦眠昏若飲無端遣夢魂到處相

逢真可喜祇應酒是好知聞

黃葉桑林赤土崗蓬茅小廷度牛羊似聞流

乞之唐汝歎息何人為發倉黃累年旱饑流民就食唐汝

歲弊寒騎風落山卧聽園木怒濤翻去年慈

德門東雪永夜宮廊唱探喧去并春大雪中以禮宮奉欵

聖喪事入宿內東門凡數十  
鋪直廬官吏達旦不能寐

讀周本紀

周公七百年禮樂箕箒桑弧盡破除空使遺

臣經故國緋紉未黍歎丘墟

齊中列酒數壺皆齊安村醪也今日

亦強飲數杯戲成呈邠老昆仲二首

曾嘗玉皇碧琳腴不醉長安市上醅作史官時歲六

御酌賜飲濕先生今已矣啜醪留得與門徒東坡

云三年黃州城飲酒但飲濕

放逐江邊長苦飲  
壺漿尚敢較醇醅  
中都光祿多新釀  
不解隨人得一卮

卧聞風聲

卧聞風聲吹屋角  
應掃積雨陰漫  
千山黑月烏飛絕  
一江星斗魚龍寒

臘月下旬偶作

歲暮烟霜澤國寒  
曉鴉鳴處是柯山  
地鑪有火尊餘酒  
自起焚香深掩關

春日懷臨汝園

西江逆上通情汝憑伏雙魚致我辭若向池  
邊見鴻雁為言春至苦相思

柯山春望

先教一雨淨江山便放千林春意還何事東  
風吹客在便教無意戀汀灣

正月十八日四首

幽人睡足聞春鳥共喜暉日滿籬里卷收  
燈人寂寞鄰家夫婦賃春歸

收燈城市接荒村翁媪耽眠日已曛何事牧

見能早起緩驅白牯出柴門  
道傍蘭若冷于秋迎客開門一比丘夜久無  
人風露冷空廊飢鼠竊膏油  
山下書生業讀書荻籬草蔓避人居最憐無  
奈窮耽酒時遣羸童致一壺

二十八日

憶昨秋風吹馬蹄瓦闕分袂涕交揮淮陽春  
物應如錦猶在柯山送雁歸

雨中



庭院輕寒新雨過  
江城寒食野花飛  
故園北望一千里  
極目江楓客未歸

二月二日挑菜節大雨不能出

久將菘芥芡苳南羹佳節泥深人未行  
想見故園蔬甲好一畦春水轉轆轤

北方治菜畦如  
暴枰土極細勻

汲井灌之次第  
相及殊可觀也

二月五日折梅時經雨梅謝矣

江雲灑霽未全開  
東嶺微茫日色來  
獨犯輕寒踏春曉  
殷勤更折雨中梅

十八日

寒食清明人意闊春城士女出班  
柳黃花白樓臺外紫翠江南數疊山

僧允懷惠紫竹杖

輕堅滑澤節仍勻上下柯山助老身  
他日天恩許歸去提攜同踏故園春

寒食日作二首

荒山野水非吾土寒食清明似去年  
楊柳插門人競笑吳夷不信子推賢

黃岡有官人效  
北方以劫作子

推買柳棟門上  
者邦人怪之

朝寒却覺春衣薄  
禪誦還將酒醖踈  
落盡江城千樹雪  
門前楊柳已藏烏

牡丹

天女竒姿雲錦裳  
故應聽法傍禪床  
靜中獨有維摩覺  
觸鼻惟聞淨戒香

雨霽望樊山

金碧江南數疊山  
雨餘秀色直堪冷  
仙娥倭墮青雲髻  
照我衰遲澤畔顏

三月二十五日間鴨鵝

雲夢澤南春欲還  
柯山鴨鵝曉闌  
幽人夢覺殷勤聽  
落月江風尚薄寒

絕句二首

翠潤園林草木長  
春歸積雨滿芳塘  
更無一點殷紅色  
葉底青梅已可嘗

晴江水滿長菰蒲  
野鴨鵝鵲欲哺雛  
誰為寄穀沙塞雁  
春來朔野定何如

新堂望樊山

幽人井臼兩山間鄰里樵漁盡往還興發登  
臨窮眼界江南秀色碧雲鬟

東堂四首

主人憐客置東堂為致炎天十步涼勝事自  
來非力致江南山色巧相望

老翁還作小兒情手種芭蕉為雨聲便有微

泉出堂下一泓清徹照軒楹

堂下種芭蕉數  
本遂得一泉泓

然盈尺  
殊清徹

居止年來如傳舍構堂珍重主人情浮生行

止誰能計苟合真須學子荆  
烏衣更士能呼旦金縷嬌娘解唱歌天與出  
人供一笑不然奈此寂寞何

末伏日五更小涼

幽人短夢不終宵起步星河望沈寥缺月低  
簷雞一唱露華秋色滿芭蕉

秋日二首

一庭秋色清如水籬落蕭條日脚殘忽憶淮  
陽舊庭院出隣高葉翠梧寒

黃簾朱戶狹洞房何事易知獨難忘相思故  
人雲間月涼夜皎：出東廂

樊山

黃葉疎林江上洲西風角怨夕陽樓陽天紫  
翠凌空濶只有樊山取意秋

月季

月季祇應天上物四時榮謝色常同可憐搖  
落西風裏又放寒枝數點紅

卧病晝眠秋風作惡

東堂岑寂似僧居  
年老身閒不讀書  
病卧空床雞唱曉  
窓前飢雀啄寒蔬

東堂初寒創意作竹屏障門屏脚偶  
得朽梅枝截用之完固質野可喜二

首

丈室新屏用此君

如用鄮子之用碧琅玕揀古槎根

白雲一片當空下  
護此寒堂宴坐人

簡冊林中老蠹魚  
年來窮謫尚耽書  
竹屏風下憑烏几  
画作柯山居士圖



二絕句

幽窓老客寒無睡  
長聽城樓曉角悲  
萬里滄溟初浴日  
暗雞先向草間知

歲陰慘澹不可出  
竹榻地氈聊自安  
黃葉滿山籬  
落晚北風吹雨濕  
荒寒

朝寒

朝寒郊飲已  
戰勝煮餅一甌充  
午飢便是衰翁  
一日了  
夜壚茗果亦隨宜

臘初小雪後圃梅開二首

風格孤高又國香故教小雪發新粧修行嗟  
我無功用却使天魔入道場

晨起千林臘雪新教枝雲夢澤南春一塵不  
染香到骨姑射仙人風露身

蒼浪

蒼浪鬢髮一衰翁何事年來到骨窮魑魅何  
嘗居四裔自憐放逐尚無功

西江

拂瓦輕霜鉛粉輕東南日出竹窻明小楼下

見西江水日，風光無限情。

二月二十一日東園桃李未開有感

二首

日慘東風正怒號，小園寂寂閉蓬蒿。可能春色如人事，獨發玄都觀裏桃。

寄語玄都觀裏花，饒君繁麗奪朝霞。劉郎想到長安日，葵麥風前一歎嗟。

白二月末苦雨寒食前一日始晴視園中花乃殊不敗

春雲霽霽弄朝暉清峭餘寒透袂衣最喜園  
花渾似舊十分春色一分歸

微雲

微雲霽霽弄餘春清曉微雲尚着人重理袂  
衣溫卯酒綠陰啼鳥閉衡門

絕句二首

風掉浮烟匝地回雨將濃翠撲山來晚涼樓  
角三吹罷夕照江天萬里開

荒山岑寂晚雞號獨閉衡門守一瓢風雨似

秋君莫怪客愁遙  
處易蕭條

鴨鵝

整刷衣裾紫翠新  
曉天風露壑雞晨  
應知不置蓮花漏  
長喚林中宴坐人

久雨

歌簷積雨苔生瓦  
酒巷人稀泥及門  
坡下牛羊來遠野  
舍旁麻糝接荒村

張右史文集卷第三十四

開	化	圖	書	館
ka	hua	tu	shu	guan
ku	hu	tu	shu	guan

Carhua library

張右史文集卷第三十五

七言絕句

附六言  
五言

絕句二首

萱草開時燕引雛  
石盆雨滿長蒿蒲  
但令甕有賢人酒  
何用門迎長者車

門前山樹插雲青  
雨足山前稻水平  
桑柘半殘蚕事了  
綠陰深處嘒殘鶯

絕句

伏暑新除風露清  
五更山舍一雞鳴  
幽人枕

石湖卷十五  
十一  
上朦朧睡卧者東岡次第明

衡門

衡門日晏晚雞鳴  
下舍人歸半掩扉  
邑犬已  
穀山郭靜暮天寒  
月撥雲生

讀吳怡詩卷二首

羅田春動雪消初  
主簿清詩雪不如  
休學風  
騷窮事業花前莫  
負古銅壺

踈梅半落雪中香  
想子孤吟對酒缸  
野水流  
山半猿鳥跨驢誰  
問賈長江



題趙彥所收趙令穰大年烟林二絕  
江上孤烟蔽遠林，秋原人靜下鳴禽。  
水鄉此景常經眼，誰信侯家畫萬金。

楓林荻港白晝靜，落鴈飛鷗盡日閑。  
平遠起君千里恨，清詩可要助

秋末圭竇齋前菊盛開賦得絕句時

拒出未歸

幽齋誰與破窮愁，蜀錦當軒爛不收。  
白帝屬車千萬乘，玉輪金轂照清秋。

不與老手  
五  
十  
秬移宛丘牡丹殖圭竇齋前作二絕

示秬結和

客未辭家似旅人栽培莫怪倍殷勤  
明年太昊城中色來作齊安江上春

千里相逢如故人故栽庭下要相親  
明年一笑東風裏山杏江桃不當春

雨歇二首

雨歇山園竹引芽老禪睡起日初斜  
今日却憶香巖老解點瀉山一椀茶

家童取酒衝泥至酒滿山瓶重莫携老子欣  
然一笑起開嘗洗盞對山妻

平生

平生壯節終難變投老浮名信所遭要路爭  
先寧遽福從來率野屈吾曹

題南頓光武祠

他日曾休羽葆車可憐宮寺已丘墟雲臺諸  
將鏘冠劍却遣嚴光配坐隅

發金陵折柳亭五首

內五言絕二首  
五言律二首

石塘卷五  
津亭折得綠楊枝更看春風向手吹建業城  
邊春已老連天荒草燕雙飛

忽：十日事回首亦淒涼何處無芳草行人  
休斷腸

瞿曇昔教我林下一宵行何事春江上依  
作俗情

綠袞溶溶日紅飛寂寂春青山今古事芳草  
去來人歌吹酒家市帆檣賈客津誰云絕勝  
地登眺更傷神

桃李番晴日江山秀晚春孤舟多病客長道  
未歸人豪俗競行樂倦游慵問津南山還暮  
雨疑有楚臺神

謁蔣帝祠過鍾山下二首

野塘春水綠迢迢上有東風弄柳條曉日已  
穿東嶺出輕寒猶欲戰駝毛  
溶溶野水戲鳧鷖蠟麥初長午景遲盡日綠  
楊湖照水臨風自愛好腰肢

和李二秀才

石史卷三十五  
四  
羨君年少盛游春  
顧我無聊似瓦陳  
東市車牛泥到領  
不勞舉袂障京塵

和蘇迺春雪八首

春城北斗轉招搖  
寒御初還陣尚囂  
一夜雪殺欺布被  
定知貧舍固相撩

寒陣須憑酒解圍  
闕官幸可典朝衣  
一杯冷落憑誰勸  
却有飛花舞入帷

白帝陰兵嚴羽衛  
漢皇老傅振鬚眉  
撒鹽飛絮渾麈俗  
盡撥塵言賦好詩

溪上泛舟成底事  
庵前夜立意如何  
爭知萬頃青  
麥絕勝黃河一尺波

不死松篁芳借問  
未開桃李與催粧  
已饒艷女纖腰舞  
偏犯貧儒百結裳

偏憎游騎往蹄污  
最稱佳人素手團  
方丈老翁空膝外  
出門四顧盡漫漫

山中景物最幽奇  
祇欠天君為賦詩  
長憶東風吹女兒  
瓊瑤交貫碧琉璃

寒窗凍坐成何事  
趣喚紅粧遣暖寒  
却把吟

賜盛美酒更令柔指撥清彈

宿靈村逆旅

夜宿村南貧主人入門桃李已殘春無人折  
贈門前柳佇立東風獨愴神

紺碧

紺碧遙空秋意生深簷當午暑風清老翁睡  
起支願坐初聽新蟬第一聲

真陽縣晝睡縣舍素絲堂

見君堂下小荷葉驚我客中春已空一覺西



堂亭午睡悠々春夢逐春風

贈圓明老

一粥一齋年已老千經萬論不留心菩提本  
自非言說默々知師得更深

方丈小山

窓外幽軒數步寬小山幽石對巔峴說知老  
子婆婆意且作僧房一衲者

登山望海四首

以下  
六言

江瀾風烟曷晚山高草木先秋獨倚欄杆盡

石城卷三十五  
六  
日此身與世悠

仕宦此身謾爾功名已老茫然山鳥不須驚  
客相親此復窮年

西望揚州何處雲中雙塔巔岼山外雲濤斷  
日夕陽應近長安

鳥去蒼烟古木人歸綠野孤舟信美雖非吾  
土消夏且復登樓

書寺中所見三首

江市樵蘇早散山家燈火常昏紗帽樵筇獨

立龕中佛像無言

日出鄰僧乞食鐘鳴老叟闌門誰見春宵淨  
境娟娟霽月當軒

扣戶誰驚午睡烹茶聽客論詩病裏雖成禁  
酒興發何妨杖藜

讀潘郎文卷

霜鬢我猶謫宦蝟鬚子合封侯老拙何勞吐  
吐踈慵且復悠

夜坐三首

石塘卷五  
門庭草々是客寢室冷々似僧春寒猶須篝

火夜書頗復明燈

靈通寺前老圃畦疏想見如雲謀拙嗟余飄  
泊歸來與爾知聞

微寒騷屑窻竹淡月朦朧夜天路暗城頭傳  
警漏稀更士高眠

贈廣靖上人

七十龐眉禪客曾見天衣老人旃檀林中香  
氣悠然時有餘氣

六言

青春要去便去美酒得斟且斟莫問世間蹀  
躑須知老境侵尋

乾明院門望江山懷淮陽城南步二  
首

危臺寺東野水春來柳色鵝黃江上滄波似  
屋蛟龍作惡難量

憶昨淮陽把酒目前唯欠山林江上雲岑千  
疊何為特地愁心

和子瞻西太一宮祠二首

太一儲祥世，祠宮歲事年。  
絳節霓旌何處松庭玉坐蕭然

玉笋清晨薦酒天，風靜夜飄香。  
鳳吹管截孤竹琴絃奏曲瀟湘

白沙閣西艤舟亭下二首

倦客時，醉眼津亭日。  
春寒目極傷春懷抱黃昏猶在闌干

客恨如雲冉冉，風光似水迢迢。  
回首十年舊

事令人淚盡魂銷

秋園雜感二首

秋晚園林踈靜天高風日明鮮中有檮筇病  
客三盃卯酒醺然

世事我深暗委人生他自奔忙刻木牽絲作  
技幾回弄罷淒涼

江上二首

以下  
五言

相別亦何事相逢盡偶然愁腸貫絲筆離夢  
紡朱絃

紛々渾是夢，  
只消魂。江上浪無限，舟中酒一尊。

暇日六詠

雙白鴨

已斷鷹隼猜，仍叨主人惠。皎潔靜天姿，雙栖莫相忌。

蛙

越國未忘吳，曾動君王意。句踐自有心，憑車汝無恃。



百舌

曉語月斜樹晝啼春霽天胸中自有激不是  
故多言

柳絮

零亂委空風悠颺點芳草却為身最輕華堂  
等閒到

龜

映日漾清淵沿沙曝玄甲愛爾千歲姿藏身  
一蓮葉

槐庭

清陰滿我庭  
蒼々六槐老  
野性苦避人  
青苔不須掃

春日書事

禪宮門寂々  
庭草無形迹  
東風自掃堦  
疑是開簾客

鹿邑道中

去歲秋時去  
今年秋又來  
浮名何所得  
歲月苦相催

余元祐六年六月罷著作佐郎除祕  
書丞是歲仲冬復除著作郎兼史院  
檢討復至舊局題屏

庭樹應如我相逢益老蒼別來秋苦雨但覺  
瓦松長

絕句

兩麥渾漫壠風梅已退粧高鴻望燕塞飛疾  
不成行

用劉夢得三題

春向晚斜日在高樓幽花愁脉脉輕絮去悠悠  
三更雨蕭蕭通夜愁

春已暮把酒送春歸花落鳴禽散草長游客  
稀去年堂上燕故傍人飛

春竟去白髮感生平流水去不斷夕陽猶有  
情舊時桃李月悄向人明

昔蘇先生游廬山詩云平日懷真賞  
神游杳靄間如今不是夢真箇有廬

山輒繼一首

人生孰非夢、裏見廬山若了元無夢何曾  
有往還

蘇先生詩云芒屨青竹杖自挂百錢  
遊何事春山裏人、識故侯輒繼其

後

齋心禮仙聖不是愛山游山中笑何等白髮  
故諸侯

張右史文集卷第三十五

蔡石以火集... 權... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

... 子... 以... 蔡...

權

書

圖

化

開

張右史文集卷第三十六

哀挽

神宗皇帝挽詞三首

獨化陶鈞運聖謨  
八方寥廓入雄圖  
將軍已  
勒邊山頌博士  
初修玉檢書  
西望忽驚新石  
闕東來不是舊  
金輿編年誰秉  
丹青筆流落  
周南一腐儒  
三百年成玉鼎  
丹縞帷驚變紫  
宸班遺弓有  
淚哀何及嘶馬  
無蹤去不還  
霜露無情金闕

石史卷三十一  
晴山川常在石麟閣青衫曾賜當年桂欲附  
龍髯不可攀

風霆武略走夷蠻雲漢文章著不刊萬世基  
扁傳夏啟百年威德畏軒轅月游渭水儀空  
在舞罷西陵淚未乾腸斷反虞歌徹後滿山  
松柏夜霜寒

哲宗皇帝挽詞四首

端拱循堯道無為十六年偏師擒頡利上將  
勃燕然夢損周王壽丹催黃帝仙淒涼舊載



筆慟哭抱殘編

秦地蟠螭紐細陽王象光升歌陳脩樂信史  
記多祥奪邑公無怨開邊義侮亡威靈對三  
后長在白雲鄉

萬世興王業千年極治辰澤丘還北祭玉檢  
議東巡汗竹人間事因山地下春雲天不可  
望髯斷泣遺臣

七月宮車駕西陵觀闕新風雲悲厚夜羽衛  
異時巡落月低金爵秋蕪暗石麟威靈凜如

在善繼有天倫

故僕射司馬文正公挽詞四首

散坐方恭默邦家付老臣  
頌歌民一口形勢  
國千鈞富庶新  
田里忠臣舊  
縉紳裴公恨不  
早丘禱嘆無神

辭爵浮雲外安民反手中  
山林獨往意衣繡  
太平功布被終身  
儉貂冠一命崇  
他年兩行  
淚碑下泣羊公

經濟心猶壯  
清羸疾易傷  
那知兩楹真遽失

萬夫望家有詩書積墳無金玉藏誰知幅巾  
歛曾佩王公章

伊洛平生興園林獨樂居曾過鄭公里得御  
李公車華屋當年客名山異代書定知傳不  
朽埋玉自沾福

欽慈皇后挽詞二首

疇昔熙寧盛遠同麟趾時內教勤儉德陰輔  
太平基餘烈光彤史追崇備母儀遺民懷永  
裕蕭鼓不勝悲

淑德承明舊徽竒固有來據龍符聖嗣合劍  
會軒臺玉冷衣銷馥鸞昏鏡集埃傷心國西  
道寂寞送車回

范忠宣挽歌二首

晚生長恨老成空猶及風流正始中經國謀  
猷號名相傳家正直似先公回天巨力章猶  
在拯溺深言老更忠誰念人心弔邦國新阡  
客泣白楊風

瀟湘卧病弔纍沉賜詔君王用意深多士方

懷宣父日蒼生竟失傳嶽霖遭喪他日瞻吾  
父丹宸何人附舊歲白首門生思未報悲詞  
空想薤歌音

黃幾道哀挽二首

五言一首

風流正始久無毅頗復因公到後生千里族  
人分俸祿百年鄉黨守題評青雲脫屣烏臺  
峻白首含香酒省清但得將軍桃李在寧須  
公相寫銘旌

異政潁川鳳遺風叔度陂聞哀苦朋友歸葵

東書詩百歲鄉人社他年故吏碑知公萬金  
產故在阿戎兒

哭蔡彥規二首

青衫未白首已歎掩新阡哭別自今日書來  
纔去年功因鍾鼎記名賴友朋傳平昔園棊  
笑臨柯更愴然

文章不用世淪落掩山阿命也人無奈悲哉  
天謂何至交嗟我少雙淚為君多遙想山陽  
墓秋風吹薜蘿

范叅軍挽詞

力學志不就多才宦可嗟生平叔知已叅軍

正公也公身後婦成家叅軍卒子幼未夫人

溫洛新阡茂東吳慶系賒功名付文史

舊生涯

任左藏挽詞

人也隱君子一官聊自閔誰能學管庫竟甬

死茅管良璞不易剖大韶終不變惟應太史

錄他日出名山

張夫人挽詞 崇子  
雍母

世德簪纓貴家風孝友傳承夫知不忌愛子

故親賢飄忽人間夢生平物外緣諸天清淨

報可但闍重泉 夫人級  
依佛果

呂郡君挽詞 錢穆  
父妻

表海東侯長分吳異姓王世家端作合華裔

遠相望龍去孤神劍離成九鳳凰多情潘散

騎悼逝足文章

太府李萃卿挽詞



妙譽馳場屋家風在縉紳使華推厚德卿月  
上通津齒德時方重山丘迹已陳長年先友  
淚懷感獨沾巾

太皇太后挽詞二首

共政艱難際臨朝保佑初經綸付耆老利澤  
到樵漁禮盛謙常抑功成委不居聖君深致  
孝盡守典刑餘

坐安民物由修己默合神明為至公他日已  
占懷月夢後來方信補天功四時化育坤無

事六合清明日正中九載憂懃已陳迹空留  
雙闕對青嵩

李處道都曹丈挽詞

淒涼正始後尚復有斯人慟哭亦云已傷心  
難重陳傳家雙令器懷德萬遺民尚想典刑  
在蕭然老鶴身

樂提妻石氏挽詞

和敬承夫順勤劬教子賢平生積淨業舍卒  
歎無年孤劍留耿介九雛誰撫憐塵埃舊脂

澤春草掩新阡

鄧慎思學士挽詞二首

青衫獻賦逢知己  
白首耽書還誤身  
名著道山傳故事  
政行兩郡泣遺民  
文成典午群疑泮  
音書詩和少陵佳句新  
嘆息若身成底事  
湖墳宿草已愁人

清苦吟詩客  
癯羸嗜學身  
詩書不得力  
鬼物定欺人類物  
傳遺學書經  
植妙因九原  
誰與交千載  
葵魚臣

潘鯁奉議挽詞

廉退辭榮早清貧卜吉遲買山新兆域從空  
舊書詩松菊留三徑簞瓢遺兩兒升堂舊賓  
客執紼涕交頤

潘處士挽詞

異時輕士老才良况復程能翰墨場酒裏浮  
沉真得計生涯落魄定何止德尊故社江山  
永文付諸孫虎豹章環堵如今空五柳蕭然  
風物似柴桑

悼亡九首

菊花還似去年黃一寸愁心萬事傷獨立高樓對殘日秋風吹得淚千行

遙夜新霜彫碧槐三更寒月滿堂堦美人化作秋風去只有清魂夢裏來

千行垂淚對風烟萬事傷心兒女前曉鏡不須催白髮潘郎秋髮久蕭然

曉梳零亂髮星星病眼昏々怯夜燈烏几素屏雙草屨百年從此學山僧

新霜已重菊初殘  
半死梧桐泣井欄  
可是神傷即無淚  
哭多清血已應乾

亦知存沒等浮雲  
解笑多悲失道真  
却恐荒唐齋物叟  
鼓盆真是已傷神

山僧老去久忘情  
笑我多悲白髮生  
為道人生共煩惱  
早來林下共修行

嵩陽道出建春門  
同入西都四見春  
誰為回頭隔存沒  
斷腸今作獨歸人

欲治煩惱更無方  
只有頭陀理最長  
不待存

止始知夢故應交臂已淒涼

李少卿挽詞二首

青雲舊馳譽白髮早辭榮  
談笑惟詩酒交游盡老成  
支離病中見瀟灑舊時情  
已矣不可問九原松柏毅

幾年林下遠塵埃儒雅風流誰與鄰  
筆尾病來猶壯健詩情老去更清新  
幽齋昔日琴書換新塚東風草木春  
懷想只疑高興在一吟遺句淡沾巾

悼逝

結髮為夫婦少年共飢寒我迂趨世拙十載  
困微官男兒不終窮會展凌風翰相期脫崎  
嶇一笑紆艱難秋風摧芳蕙既去不可還滴  
我眼中血悲哉摧肺肝兒稚立我前求母夜  
不眠我雖欲告之哽咽不能言積金雖至斗  
紆朱走華軒失我同心人撫事皆悲酸積日  
而成時積時更成年山海會崩竭音容永茫  
然



張右史文集卷第三十六

古史集卷三十六

十

化園書館  
arkua library

開化圖書館  
kaihwa library

張右史文集卷第三十七

同文唱和

詩呈同院諸公

鄧忠臣

秋日同文館多朋信可依  
慧鶯還伴宿巧燕  
自知歸藻鑑由來定  
翹材未覺稀賢書早晚  
上拭目看珠璣

秋日同文館朝暉淡  
光聚蚊喧敗帳飛蝠  
入雕梁香散青綾被  
詩翻古錦囊群居有英  
彥晤語興何長

石地卷三  
一  
秋日同文館虛廊日幾迴浮花出林杪古槭  
蔽城隈遠笛悲仍壯幽禽去又來微吟還自  
喜共和有清才

余幹

秋日同文館官寮許暫依衛軒留鶴住楚澤  
滯鴻歸木選山中勝珍求世上稀清時方物  
貢寧在篋中璣

秋日同文館掄才又一回樵枺輸海徽金玉  
振巖隈富贍者先達清新畏後來百朋行可

錫所樂在多才

秋日同文館興賢道與光雄奇思汝穎浮巧  
笑齊梁綠醕傾蛆甕青燈折米囊製粟亦雅名米囊  
談揮玉麈未歇漏教長

耿南仲

秋日同文館湖無一事依闌羊誰得雋倦鳥  
客思歸寢處還相向過從不患稀何當有星  
聚誰為問璇璣

秋日同文館哀然觀國光泗濱何限磬岱麓

易求梁劍氣頻衝斗錐鋒定出囊于余慙拙  
一匠搯尺預量長

秋日同文館新涼逐雨回棘垣嬰吏局蕙帳  
憶山隈射為巧狙發田因文豹來西城隨分  
鎖夫我室多才

商倚

秋日同文館群賢道足依心遊黃卷靜日送  
白雲歸空玉荆山盡文星禁掖稀  
館閣諸公  
多集于此  
清談欣屢接紛若落瓊璣

秋日同文館雲沉夕照光  
蛩吟堦下草螢照屋間  
梁卧月搜詩句挑燈認藥囊  
夜闌獨衾枕歸夢楚山長

秋日同文館愁腸夜九回  
圖書堆枕畔歌吹隔牆隈  
宿鳥翻枝去涼風帶雨來  
新詩勞見寄難繼謫仙才

秋日同文館群書盡可依  
衰遲多病在留滯故園歸  
但怕酒杯滿莫教詩卷稀  
惟羞狂斐句瓦礫報珠璣

秋 日 同 文 館 晨 暉 帶 冷 光 綵 雲 瞻 鳳 闕 細 雨  
憶 魚 梁 莫 事 班 超 筆 空 嗟 趙 壹 囊 蕪 問 坐 無  
語 千 丈 旅 愁 長

秋 日 同 文 館 西 風 昨 夜 回 燕 巢 留 屋 角 蛛 網  
挂 牆 隈 書 任 邊 韶 懶 詩 慙 匡 鼎 來 人 皆 抱  
璞 誰 是 濟 川 才

未

鄧 侯 讀 書 室 編 簡 自 相 依 脫 手 焚 膏 寫 瘡 痛  
端 橐 歸 業 文 從 古 有 忍 去 似 公 稀 欲 挈 空 虛



蕙從君乞貝璣

鄧子詩成癖全分李杜光楚風還屈宋宮體  
變齊梁蔡子辨焦尾晁公懷智囊三賢方鼎  
峙安敢用吾長

我愧言詩賜公真好學回讐書芝閣上藏史  
楚山隈把酒論文裏連房校藝來知君懷水  
鏡依賴免遺才

晁補之

平生鄧夫子文墨晚相依  
臺閣佳釅在湖湘

爽氣歸詩誇束筍密髮歎耕苗稀動苦千秋  
事川明水孕璣

雄深張子向山水發天光黃鵠愁巖道玄龜  
困呂梁愛君毫穎脫嗟我病僮囊驥尾何當  
附西風萬里長

蔡侯南國秀經緯耿昭回文史吾生劍風雲  
蟄起隈吾君求助意之子為時來萬旅防秋  
費何如一士才

曹  
輔

十歲湖湘客淹留何所依清名漢閣在他夜  
楚帆歸落日三秋晚浮生一笑稀每煩貽秀  
句真似暗投璣

妙論凌朝徹高文敵夜光輝煌照群玉縹緲  
絕飛梁得句題青竹圍棋換紫囊相從愧衰  
朽湖海興偏長

富貴心非願山林首重回拂衣清世外築室  
白雲隈杜口同摩詰忘形學子來斯遊行欲  
遂聊此接群才

圖書從所好英俊此為依奎壁重開照琳琅  
盡得歸地嚴宮漏轉門掩吏人稀子有詩三  
百西江咀寶璣

客去衣裳懶更長燈燭光隨身一書笈貯腹  
萬雕梁夢舊傳青館封須拜皂囊羽翰從此  
正天步赤霄長

諸彥聯翩入斯文迤邐回滔引溟漲爛  
繚巖隈此地身拘窘他時心往來倡酬真有

味願我獨非才

柳子文

鄧子知名久秋闈得暫依論文虛以往講道  
實而歸得句賡酬數忘言笑語稀自慙初學  
步魚目混珠璣

刻意長沙客編書逝隙光朝方登廟器時可  
詠山梁未用嘲經筵端宜號智囊頗聞窮史  
學猶想見三長

官輟蓬萊直身從帝所回文章孔庭與事業

博巖隈多士朝廷念諸公殿閣來英雄須入  
鼓應有濟川才

李公麟

苦學鄧夫子仁風良可依顏回樂也內曾點  
詠而歸盛德彌年邵知音貴我稀瀟湘逢此  
地咳唾得明珠

瑠璃墨客堂太一助燈光抽史探金櫃摘詞  
和栢梁近傳江綵筆遠緝漢珠囊吏部文難  
可猶稱萬丈長

共校南宮藝多年復此回群賢主堂奧一榻  
占廊隈陟牒朝隨逐詩筒夜往來故人情不  
淺無乃困慳才

秋日同文館詩

忠臣

秋日同文館分場試未齊借書窮石室刊字  
費棠梨想見英雄毅誰當甲乙題喜陪群彥  
集通籍在金闕

秋日同文館來游翰墨場預聞周後造多有  
漢文章蘭室依新潤芸書識舊香迺辰強思

報矯首詠明康

秋日同文館晨興不待雞耽書迷甲子行樂  
在東西靜對庭柯時閱常柿葉題相期放朝  
後連日醉如泥

補之

高堂置書几連幕與雲齋暑服猶便葛秋樂  
已釘梨官醪聊且醉古錦不成題空對燈花  
喜重城隔夜闌

輟直讐書館聯裾校藝場騰驤來萬里挺拔



出千章直釣何妨得  
食風未必香  
搜才賴公等  
要助佶成康

憶我蓬萊閣  
同聽午唱雞  
星辰望天北  
籌組隔城西  
幾日宣魚鑰  
長驅響月題  
更憑催鄧子  
要割玉如泥

未

騎列千牀直雲羅  
萬卷齊紆妍  
交孔翠爭味  
雜担梨白日  
諸侯貢青春  
天老題秋清  
文酒健莫嘆  
羽林闈

石鼓卷三  
八  
穀鳴皆出谷  
蒲距各爭場  
鐵網收明月  
霜銛倒豫章  
湛恩終錫宴  
優禮合焚香  
最苦讐書客  
消愁賴杜康

六街分夜鼓  
鄰屋報朝雞  
寒引秋初老  
天將斗轉西  
滯留聊飲酒  
談笑亦分題  
須信家居樂  
休嫌窮巷泥

肇

清月看初滿  
黃花吐未齊  
小山思隱桂  
大谷憶佳梨  
節物信可美  
詩騷懶自題  
長年諳獨

宿聽雨閉秋闈

西合青雲幕縱橫白羽場誰矜率爾對吾念  
斐然章名淡逾縻榜衣飄月窟香春風馬蹄  
疾鞭帽散平康

萬里夷王子曾聽若木雞泛舟滄海外授館  
國門西琛幣求重譯車書想舊題蒼梧弓劍

冷雲雨泣芝泥

試院高麗  
乃館使客

闈寂同文館秋英綻欲齋禪袍分白乳仙果  
破青梨琴理將忘曲詩探未賦題清權在文

史誰復夢重圍

明時勲選擢問設譽髦場  
談學添三傳微能  
及九章靜無桃葉唱清  
有菊花香解我幽憂  
病惟應賴杜康

鵝卵日時化如何赴越  
雞逸群來冀北屏氣  
入淮西盛事兼三物  
浮辭斥百題慎須精  
澹鑑寵辱異雲泥

倚

秋日同文館高堂燕集  
齊杯盤供魯酒  
敲核

久張梨楊孟持新論韓莊鄙自題須知宗匠  
手文采冠朝闈

秋日同文館何人獨擅場養義方在止琢玉  
已成章筆別千鋒陣庭焚一炷香得賢從自  
始豈特致民康

秋日同文館棲林看晚雞斗垂宮殿北月轉  
戶庭西酒勸杯中綠詩分燭下題何時還九  
陌細雨莫成沉

南仲

木史卷三  
詔命連催發英髦一日齊周  
瑜醇似酒崔遠  
爽于梨高館清無夢寒燈坐  
賦題還同宿山  
驛風雨閉重闈

槐市任花黃賡歌且闌場醒  
心流水曲警耳  
白雲章冷竹枝翠芳蘭葉香  
滿前皆俊  
彥何但有三康

翠幕春雲合場登看舞雞冥  
搜人不列驚  
日沉西曠學愁精鑒英材喜  
巨題何人當首  
選雙解起蛻泥

子文

磊落群英集崢嶸逸氣齊捷機聞墮灶妙論

及交梨庭木何年植寔塵異域題高麗人館此書字尚

在獨憐車馬散寒月滿宮闈

懶散江湖客秋深念滌場端宜返田里安敢

論文章山塢橙應熟霜籬菊正香行歸招隱

客鼓腹詠時康

國器來金馬儒冠萃木雞勝心爭逐北銳氣

鼓羊西海嶠鵬程急春風雁塔題應思連夜

雨車馬六街泥

公麟

鎖寂身如隱  
幽清物向齊  
忘憂經露菊  
蘇肺  
到霜梨白  
法資談款  
朱籤歷品  
題賢書  
天下  
望鵲喜  
遍深閨

呦鹿鳴野皎  
白駒場朋盍  
連茅茹文程  
琢玉章門通  
三級峻桂露  
一年香慶及  
飛龍  
旦同歌  
庶事康

寄樓容幕燕覆  
部守醞雞欲  
雨風多北窮  
秋



日易西官書便夜讀家報索親題早晚駉駉  
入重門拆印泥

輔

別館朋簪盞華堂燕俎齊手書思露摘齒冷  
怯冰梨桐影迷金井苔痕上壁題共憐今夜  
月亦解照秋闈

平生詩酒興縮手少年場誰敵江河量爭看  
錦繡章論才皆國器滿袖尚天香欲寫弘文  
士風流有長康

開口曾吟鳳臨池豈厭雞詩豪杜工部墨妙  
庾征西歸及黃花在能忘彩筆題醉游須爛  
漫莫惜錦幃泥

未試即事雜書率用秋日同文館為

首句

忠臣

秋日同文館沉、鎖棘闌捲簾襟乍快欹枕  
夢先歸驟雨憂環堵回風喜袂衣十年經五  
試撫事意多違

秋日同文館人閔景自長重簾朝氣入嘉木

午陰涼朝市喧聊避山林興未忘頻添繞爐  
水還與試香方

秋日同文館重門靜不開雲隨鴻影去風送  
樂毅來挿架書千軸論文酒百杯晚花陳葉  
滿還是作愁媒

未

邃館深魚鑰華堂靜倚闌每勞螢作伴不與  
燕同歸古棟蝸成篆空墻蘚作衣寂寥還泛  
菊九日莫相違

名自諸侯選功收一日長文章雜蛟蚓丹墨  
有炎涼平昔曾克貢酸寒未易忘書生成底  
事飽死笑東方

倦枕愁霜苦晴明宿霧開幕雲當晝合抱雪  
與風來元日彤庭實春風曲水杯何須戀楊  
柳聖世要無媒

肇

翳：雲生樹翻，風動闌高秋忽如此吾黨  
苦思歸極日愁闌塞侵寒寄楮衣少狂真喜

事回首壯心遠

物色清秋逼官曹靜夜長華星披夕靄皓露  
洗空涼律細詩難繼禪心夢易忘依稀貪佛  
日香火宿諸方

取士漁鹽出傳經戶牖開驚濤簾外起驟雨  
筆端來人競懸金鑑書方貴杯太平元有  
象勿遣賦良媒

補之

風雲日夕改秋氣襲堂闌映葉無烟響依叢

有蝶歸官壺催賜耐鄰杵急成衣留滯真何  
補蕙鱸興又遠

氣入中秋勁更傳五夜長青燈蛾舞急白日  
在啼涼羈旅生應慣淹留久却忘吟詩酬鄧  
子畢昂出東方

前世諸生選平居數路開鄉閭自相與岩穴  
亦時來射雉空亡矢為蛇更奪杯千金曾市  
骨聊用作龍媒

幹

零露沾明砌，淒風入邃闈。  
添愁虫勸織，驚夢鳥催歸。  
哀調孤吹笛，寒殺遠搵衣。  
飄蓬雖已久，今夜覺分違。

引類憑先進，搜材及寸長。  
隔簾愁晝暝，隱几怯秋涼。  
化力人難測，機心我已忘。  
封侯良可待，誰有不龜方。

簾幕深常閉，門庭闕未開。  
愁將河女隔，喜見月娥來。  
騷客吟冰柱，仙官醉玉杯。  
蹇修那可得，笑齒竟誰媒。

氣侯逢秋晏蛩鳴入戶闌簷空看雀鬪天濶  
暮鴉歸風急飄庭葉寒先着客衣重陽故人  
境應念賞心違

門深鄜市遠幽寂興何長徑菊晴披艷窻風  
晚逗涼聖經閣裏醉塵鎖夢中忘更苦年來  
病時看肘後方

亭舍回廊接重簾晝日開鳴蟬隨雨退疎雁  
拂雲來吟興降難韻羈懷寄淺杯驚聽漸淒

倚



繫又欲作寒媒

子文

虛廊空白月燈火閉重闌  
思苦詩難繼更長  
焚易歸徒勞筆墨榜須信  
有朱衣萬事前期  
定升沉不甯遠

一、聽宮徵銖、較短長品題分  
玉石得失  
異炎涼中的非無術知音豈易忘  
魚龍頭角  
老變化更何方

萬戶爭看榜三年此一開  
異時千載遇此日

四方未價重連城壁珍逾羽化杯山梁欣有  
獲置網豈須媒

公麟

葉乾風索々霜月到書闌枝並鷦鷯宿牀吟  
蟋蟀歸幽人知坦履游子念縫衣暗喜還家  
近承顏慰久遠

莫以多為贅須知寸有長拾才何濟々願我  
獨涼々雷雨龍皆起江湖魚兩忘攀依聊假  
手賢立本無方

今朝庭鵲喜燈為一花開側指皂囊去轉頭  
驄馬來新橙家斫鱸殘菊客浮杯樂事連休  
日須憑酒作媒

南仲

敗葉掃還飛秋容肅粉闌青錢如已選白璧  
會須歸燕坐書橫案孤吟月滿衣還同潘散  
騎魚鳥性都遠

大軸累千箱晷中見鶴長靜臨窻几讀爽入  
肺肝涼誇吃笋求勝疲勞忽自忘由來京邑

右史卷三十一  
貢正合冠多方

藹：儒冠至恢，賢路開才須金鑑別人白  
玉山來謝密書千卷嵇康酒一杯如君富術  
業當與雉為媒

輔

空庭秋色晚風露入重闌白髮已無數故山  
猶未歸江湖千里月砧杵萬家衣把鏡西風  
裏低徊志願違

鄧子詩成癖苦吟秋夜長江山得奇秀風月

借清涼郢曲高難和  
騷人興未忘從君乞餘  
教換骨有仙方

驄馬何時到重闌  
計日開迎門稚子笑載酒  
故人來休沐猶三日  
狂歌且百杯祥麟秋苑  
靜更約看龍媒

天啟有少年真喜事之句用其韻和

忠臣

慷慨論邊事飄蕭動禮闈  
貴須金印縮老要  
玉闈歸食酪便榆塞  
鳴鼙慣鐵衣懸知雄辨

在志願未應違

肇

百萬防秋去軍容凜將闡請排雲鳥出盡獵  
犬羊歸老息陰符讀慵便直裰衣鄧侯多衣  
興時命不予違

詩呈同院後至諸公

忠臣

秋日同文館飛章待報回絲綸先日降鷓鴣  
忽朋來諸彦俱精鑿微生亦濫陪紛々五千  
牘誰定冠倫魁

子文

秋日同文館中官押入回西風初雨去明月  
為人來藻鑑憑君許賡歌媿我陪相送已止  
寢坐見斗移魁

向

秋日同文館英遊賜與回搜才推藻鑑明試  
副招來玉塵聞餘論金尊喜屢陪歸鞍期早  
晚斗柄指天魁

輔

同文秋已半簾幕燕初回議論皆先覺衰遲  
愧後來文衡那敢與談柄且容陪誰拯豐城  
劍光芒徹斗魁

公麟

秋日同文館淒風動九回亂雲收暑去一雨  
送寒來猥與英躔接慚非添鑿陪雍畿茲籲  
俊元祐看新魁

肇

文書汗牛馬棟宇切昭回剗玉君曾試吹竽



我亦來鑒精真有賴詩妙不容陪只憶歸山  
去霜畦斲芋魁

未

驄馬嘶將近天門報欲回妻孥憐別久鄰里  
問歸來左學徒仍在西城宴許陪腹毛何足  
問竒捷看渠魁

同慎思話舊隱用回字韻

補之

聞在豪塘隱松林日百回當年鹿何往異世

鶴歸來未許茅齋並終朝蠟屐陪丹留杉不  
死夜氣看星魁

詩呈同院

忠臣

秋日同文館論交手重携胡秦常恨邈李杜  
豈堪齋尚喜新知語問思舊句題千年勞夢  
想同直集英西

益

秋日同文館文編亦共携升沉都莫問榮辱  
已能齊酒美何妨醉詩成強自題從容約歸

日訪子省闈西

慎思說家山之勝用其語得詩

肇

江清石磊々野曠竹修々此地有茆屋我行  
尋白鷗分留須物色來往更風流相對黃塵  
夢詩成擁鼻謳

忠臣

野橋隨岨架茅屋依林修木落吟霜狹雲晴  
舞雪鷗山屏當戶列瀑布入溪流只合樵歌

唱何日得蔡謳

...

...

...

...

...

...

...

張右史文集卷第三十七

Watermark: 中華書局圖書館 (China Book Company Library)

開化圖書館

Kaishua library

開化圖書館

Kaishua library


開化圖書館

Kaishua library

開化圖書館

Kaichwa Library





張右史文集

七

開化圖書館  
Kahwa library

開化圖書

Kaishua Library

